



Kamis, 23 Januari 2025
Ogen: Yakob 1:12-13



Megengeng Naluken Percuban



Di rehkenca percuban Tuhan Yesus singklinisa, tambah tindih kinisran minter pindo gegeh bana...' Enda sada syair i bas KEE-nta sinuriken maka percuban, perbeben pasti nge lit, reh, amin la idarami ras itenahken pe. Rikutken si e tentuna manusia arus nambahi immunna gelah percuban e la erbahanca ia talu. Arus lit usaha ras perjuangan, nambahi gegeh gelah lit energi ngelawan erbage si ncubai e. Kitab Jakub si isuratkena man kalak Kristen merap marpar ntah pe tandang (diaspora) gelah la menukah kote. Mental tahu, medakdak, tapi lit i bas ia cara pandang si lain ras kalak si enterem. E maka nina, kalak si ngenanami percuban, malem atena sabap megenggeng ia. Kenca ia menang ngalaken percuban e ialokenna ulih kemenangenna, e me kegeluhen si enggo ipadanken Dibata. Janah arus lit i bas pusuhna, kerina kiniseran ntah kai pe bentukna labo Dibata merekenca, tapi ibere Dibata jadi guna nguji kita i bas kiniteken ras semangat. Desken anak sekolah, ndigan pe labo banci naik kelas, labo banci ia ndatken juara adi la kin mentasi proses pengujin. I je me terseleksi ia i tengah-tengah teman sekelasna. Kenca teptep kalak erjuang ndungi soal si isehken man bana kerina. David Goggins nuratken kata bijak nina *Anda berada dalam bahaya menjalani kehidupan yang begitu nyaman dan lembut sehingga anda akan mati tanpa pernah menyadari potensi sejati anda.* Ertina percuban ras kiniseran e mabai kita ndarat i bas jona nyamanta nari janah i je me teridah, keke kerina kepentaren, kengasupen ras gegehta. Sabap imbangta e pe rusaha naluken kita, erjuang ka kita gelah la talu. Tep-tep percuban lit batas waktuna, banci kadaluarsana, adi ngasup kita ertahan ngalakenca, lulus me kita. Semangatlah kita ndalani kerina paksa rikut ngalaken erbage jenis perbeben. Lit nge temanta si tuhu-tuhu si nampati ras si mere gegeh banta.